

PRINT

# সমকাল

পরীক্ষায় অসদুপায়

## যবিপ্রবির ১২ শিক্ষার্থীকে বিভিন্ন মেয়াদে বহিস্কার

১১ ঘণ্টা আগে

### যশোর অফিস

পরীক্ষায় অসদুপায় অবলম্বনের অভিযোগ প্রমাণিত হওয়ায় যশোর বিজ্ঞান ও প্রযুক্তি বিশ্ববিদ্যালয়ের (যবিপ্রবি) ১২ শিক্ষার্থীকে বিভিন্ন মেয়াদে একাডেমিক কার্যক্রম থেকে বহিস্কার করা হয়েছে। এই শিক্ষার্থীদের মধ্যে চারজনকে দুই বছর এবং আটজনকে এক বছরের জন্য একাডেমিক সব ধরনের কার্যক্রম থেকে বহিস্কার করা হয়েছে।

গতকাল শনিবার যবিপ্রবির পরীক্ষা নিয়ন্ত্রকের দপ্তর থেকে জানানো হয়েছে, বিশ্ববিদ্যালয়ের 'এক্সামিনেশন ডিসিপ্লিন কমিটি'র সভায় তাদের বহিস্কারের এ সিদ্ধান্ত নেওয়া হয়। যবিপ্রবির উপাচার্য অধ্যাপক আনোয়ার হোসেনের সভাপতিত্বে গত ১৬ জুলাই ১০ সদস্যবিশিষ্ট ওই কমিটির সভা অনুষ্ঠিত হয়।

এক্সামিনেশন ডিসিপ্লিন কমিটির সভায়- বায়োমেডিকেল ইঞ্জিনিয়ারিং বিভাগের দ্বিতীয় বর্ষের শিক্ষার্থী নিলয় চন্দ্র মণ্ডল, রাফিউর রহমান অপূর্ব ও আদনান আহমেদ প্রান্তকে এক বছর, পেট্রোলিয়াম অ্যান্ড মাইনিং ইঞ্জিনিয়ারিং বিভাগের দ্বিতীয় বর্ষের শিক্ষার্থী আনাস আল হোসাইনকে দুই বছর ও একই বিভাগের প্রথম বর্ষের শিক্ষার্থী আরাফাত খানকে এক বছর, পদার্থ বিজ্ঞান বিভাগের দ্বিতীয় বর্ষের শিক্ষার্থী বারিউল হক মুবীনকে এক বছর, গণিত বিভাগের প্রথম বর্ষের শিক্ষার্থী তোফায়েল প্রধানকে এক বছর, পুষ্টি ও খাদ্যপ্রযুক্তি বিভাগের দ্বিতীয় বর্ষের শিক্ষার্থী আক্তার হোসেনকে দুই বছর, কম্পিউটার বিজ্ঞান ও প্রকৌশল বিভাগের তৃতীয় বর্ষের শিক্ষার্থী সুশান্ত কুমার দাশ ও মোস্তাফিজুর রহমানকে দুই বছর এবং শারীরিক শিক্ষা ও ক্রীড়াবিজ্ঞান বিভাগের তৃতীয় বর্ষের শিক্ষার্থী নাসিম রেজা ইবনে মিওন ও সোহেল রানাকে এক বছরের জন্য সব একাডেমিক কার্যক্রম থেকে বহিস্কার করা হয়েছে।

এ ছাড়া এক্সামিনেশন ডিসিপ্লিন কমিটির সভায় যশোর বিজ্ঞান ও প্রযুক্তি বিশ্ববিদ্যালয়ের অধিভুক্ত ঝিনাইদহ সরকারি ভেটেরিনারি কলেজের তিন শিক্ষার্থীর কোর্স পরীক্ষা বাতিলের পাশাপাশি তাদের সতর্ক করা হয়।

© সমকাল 2005 - 2018

সম্পাদক : গোলাম সারওয়ার । প্রকাশক : এ কে আজাদ

১৩৬ তেজগাঁও শিল্প এলাকা, ঢাকা - ১২০৮ । ফোন : ৮৮৭০১৭৯-৮৫, ৮৮৭০১৯৫, ফ্যাক্স : ৮৮৭০১৯১, ৮৮৭৭০১৯৬,  
বিজ্ঞাপন : ৮৮৭০১৯০ । ইমেইল: info@samakal.com